

# Nunatta Qitornai

## Inatsisartuni



17. oktober 2019

UKA2019/47/133

**Najukkani nunalerinikkut tunisassianik tuniniaanerup annertusarneqarnissaanut atugassarititaasut pitsaanerpaajunissaat qulakkeerniarlugu Naalakkersuisut iliuusissatut pilersaarusiornisamik peqquneqarnissaannik Inatsisartut aalajangiiffigisassaattut siunnersuut. Siunissami sulinisamat piffissalersuummik iliuusissatut pilersaarut imaqassaaq Inatsisartunullu kingusinnerpaamik UKA 2020-mi agguanneqassalluni.**

(Aleqa Hammond, Nunatta Qitornai)

Nammineerlunga nunatsinneersunik naatitanik pisiaqartillunga assorsuaq tulluusimaarutigisarpara. Naatsiiat, naatitat allat pisiaritillugit allaasanginnami immikkut taakku mamarnersuit aammalu ullunut pingaarnerni atorumasarlugit. Savaaqqat neqai ulluni immikkut pingaartitatsinni sassaallitutigisatta ilagaat immikkut inuiaassutsitsigut pingaaruteqartunik sassaalliutitta ilaat. Kujataanit pissarsiaavut nunatta sinneranitullu pissarsiarisartakkatsitut pingaartitaritigaavut.

Pisiniarfimmut isernermi pisiassat amerlanerpaartaat nunatsinneersuunngillat. Pisiassat avataaniit tikisitat aammalu akitigut uagut pilersitatsinnut sanillersuullugit unammillerneqarsinnaanngitsut. Pitsaassutsikkulli aammalu mingutsitsinngitsumik tunngaveqartumik pilersitaaneri aammalu nungusaataanngitsumik tunngaveqartumik inerititaanermikkut tikisinneqartunit pitsaanerulluinnartut. Tamanna nunani allani aamma pitsaassuseq akisunerusarpoq, eqqaamasariaqarparput.

Kalaaliminiutivut qerititsivinni immikkut amerlanertigut inissinneqartarput, allaanngilaq aa aamma aajuku kalaallit pilersitaat, peqalaarpugumik allagartalersukkat. Saqqumilaartinneqarnerini qitiusariaqarput. Naatitaativut saqqumilaartinneqarnerini qitiusariaqarput. Tuniniarnerini saqqumilaartinneqarnerini saqqumilaartinneqarnerini erseqqinnerusariaqarput.

Takorluugaqartarpugut pisiniarfimmut isernermi pisiassat makkuussasut: Kalaallit Nunatta kingutaarnai, paarnai, tiiliai, kakillarnaatai, paarnaqutit pinnerasaasiassat, qullugarpassuit, panertorpassuit, mattaat arfernit assigiinngitsuneersut, aarrup neqai, timmiakuluaqqat, quujut, natsersuup nikkui, savat nivingatitat neqai, paqqaartut aggoriikkat, puisip nikkui sassaalliutigeriaannaat, nikkut assigiinngitsunik akoorsimallutik suliata, appaliarsuit, singernerit, taleqqut, tuttrup quttorai, umimmaap quttorai allarpassuillu pisiniarfitsinni sumiikkaluartuniluunniit ajornaquteqanngitsumik pisiarisinnaassallugit. Takornarissat pisiniarfiini nunatta tuttuusa amii garvikkat, savaatitta amii garvikkat aammalu panertuutitta ussigassatut poortorsimasut tuniniarneqaneri, tiiliaata pisiarineqarsinnaaneri allarpassuillu.

Kinaassuserput nunatut inuiattullu pisiniarfitsinni takusinnaasariaqarparput. Tamanna anguniartil-lugu suliassaqaqaagut ila ilaqaagut suli.

# Nunatta Qitornai

## Inatsisartuni



Taamaammat siunnersuuteqartut siunertaat taperserpavut aammalu qjassutigalu Naalackersuisut suliniutaannut naapertuummat ilanngullugit sulinerminni tunngaviginiarlugit oqariartortoqarnera iluarisimaarlutigu siunnersuutit ataatsimiititaliamut ingerlateqqippavut.